

Mtwara wamechacha

11 July, 63

Nguvumbe

BENDERA YA MRENO IMECHOMWA MOTO

Dakta Mondlane atabasamu na kuwapongeza Waafrika kwa juhudi ya kuufagia Ukoloni.

BENDERA YA SERKALI YA KIRENO IMECHANWA CHANWA VIBAYA SANA KWA CHUKI NA WANACHAMA WA TANU YUSI LIGI WA SEHEMU YA MTWARA MBELE YA MKUTANO MKUU WA HADHARA HUKO MJINI MTWARA BAADA YA MHESHIMIWA REGNALI KAMISHNA WA MKOA WA MTWARA, BWANA M.P. MAZINGE KUTOA AMRI YA KUPASULIWA NA KUCHOMWA MOTO KWA BENDERA HIYO YA KIRENO.

Kitendo hiki kilifanyika siku ya Saba Saba kwenye Sherche na Mkutano wa Wananchi wa Mkoa huo ambao ulihudhuriwa na wananchi wapatao 15,000 hivi. Wanaume kwa wanawake, watoto kwa wazee wakijionea wenyewe kutoswa kwa Serkali ya Mreno, kitendo kilichoonyesha chuki ya Waafrika kwa Serkali ya Kibeberu ya Mreno.

Kwenye pasuapasua hiyo ya bendera pamoja na choma yake ya moto hadharani alikuwapo Mheshimiwa Dakta Eduardo Mondlane, Rais wa chama cha Frelimo, naye alipendelea sana kitenendo hicho cha Wananchi wa Mtwara ambacho kilimwonyesha wazi kwamba Tanganyika imo bega kwa bega na Wananchi wa Msumbiji katika vita vyao vya kumtimua beberu Mreno na Msumbiji kujipatia Uhuru wake.

Dakta Mondlane bila kusita alisimama na kutoa shukrani na sifa kwa Wananchi wa Tanganyika na pia wananchi wa Afrika nzima kwa juhudi yao ambayo hairudi nyuma, ya kuufagilia mbali utawala wa Kikoloni katika Bara la Afrika.